

醫學從衆錄

卷二

湖山齋

承啓

城

醫學從衆卷七

閩吳航陳念祖修園甫著

次男元屏靈石叅訂

孫男

心典徽菴

心蘭芝亭

全校字

泄瀉

泄瀉之症有五而總不離於濕初起只以乎冒
散加猪苓澤瀉治之他方皆不逮也又有五更

天將明時必洞瀉一二次名曰脾腎泄難治蓋以腎旺於亥子今腎太虛閉藏失職故五更之時而特甚也亦謂之脾者以泄瀉之時一定不移五行之土猶五常之信也四神丸加味主之大抵初瀉與瀉之未甚宜利水次補脾久瀉大瀉宜補腎以胃關煎八味丸之類為主兼服補中益氣湯以升其下陷之氣蓋以腎為胃關二便開闔皆腎所主也

脉息

宜沉細 忌浮大

加味平胃散

蒼木二錢炒

炙艸

陳皮各一錢

猪苓

厚朴薑汁炒

澤瀉各一錢五分

生薑三片

水煎服

如頭痛發熱惡寒者外感風寒也加紫蘇二

錢川芎防風各一錢

如傷食飽悶脹痛等症加山查麥芽之類犬
醉之後更加乾葛二錢

如腹痛不休脉細手足冷中寒也加乾薑二
錢肉桂吳萸各一錢

如脉洪數有力口中熱舌紅腹痛時作時止
小便短澀火瀉痛也加木通一錢乾葛一錢
五分若蕪腸垢裏急後重再加黃連一錢白

芍三錢

如暑月水瀉口渴小便不利加滑石三錢研末

如瀉而腹痛不止為土傷木賊加酒白芍三錢防風一錢

如服前藥不能效者是脾腎虛寒宜加補骨脂炒扁豆白朮各二錢吳萸八分乾薑一錢以溫之如滑脫不止再加訶子肉豆蔻一錢

五分鷲粟殼一錢以濟之

四神丸

方見時方

鄉前輩林公諱祖成加白朮八兩鷲粟殼二兩肉桂一兩醋調炒米粉為丸名六神丸治同再加杜仲四兩茯苓四兩名固腎散脾丸自註云久服此丸俾脾元足而營衛運斯分消之力旺腎元足而開闔神斯固攝之權行

溫補脾腎元氣主方

材公傳

杜仲

錢二

人參

白朮

各五分

茯苓

肉豆蔻

去准各一錢

補骨脂

砂仁

各五分

五味

二

水煎空心午前服

小腹隱痛加肉桂五分

小便不利加澤瀉一錢

胃關煎

治大瀉將脫久瀉不止

醫方彙編

卷十

熟地

三四五錢

白木

二三錢

乾薑

一二錢炒

吳萸

五七分

炙州

一錢

扁豆

炒斫

山藥

炒各二錢

水煎服

按已上為治瀉之恒法。又有變通活法。不可不知。如久瀉服溫補及固澁之藥不止。或愈而復作。或既愈次年又應期而作。俱是綱積未除。宜通因通用之法。本事溫脾湯主之。又

有感秋金燥氣。始則咳嗽。久則往來寒熱。泄
瀉無度。服溫補藥更甚。或完穀不化。有似虛
寒。而不知肺中之熱。無處可宣。急奔大腸。食
入則不待傳化而直出。食不入則腸中之垢
亦隨氣奔而出。是以瀉利無休也。宜以黃芩
地骨皮。甘艸。杏仁。阿膠。潤肺之藥。兼潤其腸。
則源流俱清。寒熱咳嗽泄瀉一齊俱止矣。又
有瀉久亡陰。過服香燥之品。發熱口渴。微喘。

汗出煩燥。陰氣虛盡。陽氣不能久留。宜急養其陰。以阿膠。地黃。門冬等類。熬膏三四觔。日服十餘次。半月藥盡。遂效。另製補脾藥。未善。後全愈。此喻嘉言之驗案也。

溫脾湯

本事方見時方

主治鉅冷在腸胃間。泄瀉腹痛。宜先取去。然後調治。不可畏虛以養病也。

千金溫脾湯

方見實
在易

治積久熱痢赤白

生薑瀉心湯

治心下痞鞭乾噫食臭脇下有水氣腹中雷鳴下利者

甘草瀉心湯

下後痞益甚日利數十行穀不化此非熱結但以胃中虛客氣上逆故使鞭也

半夏瀉心湯

嘔而發熱心下滿而不痛

黃芩湯

太陽少陽合病自利者

若嘔者加生薑一錢五分半夏一錢名黃芩
加半夏生薑湯

黃連湯

胸中熱胃中有邪氣腹中痛欲嘔者

即半夏瀉心湯去黃芩加桂枝以和表裏

乾薑黃連黃芩人參湯

下利醫復吐下之食入口即吐

此方治嘔家夾熱不利於香砂橘半者服此
如神昔張石頑先生借治脾胃虛寒腸有積
熱之泄甚效

厚朴生薑甘草半夏人參湯

此仲景治汗後腹脹滿之方也張石頑借治
瀉後腹脹滿甚效

石頑治總戎陳孟庸瀉利腹脹作痛服黃芩白
芍之類、脹急愈甚、其脉洪盛而數、按之則濡、此
濕熱傷脾胃之氣也、與厚朴生薑甘草半夏人
參湯、二劑痛止、脹減而泄利未已、與乾薑黃芩
黃連人參湯、二劑瀉止、而飲食不思、與半夏瀉
心湯、二劑而安、

葛根黃芩黃連湯

各見傷寒

此湯仲景治桂枝症醫反下之利遂不止脉

促喘而汗出之症。今借治表邪未解。腸胃俱熱之瀉甚效。

按君氣質輕清之葛根以解肌而止利。佐苦寒清肅之苓連以止汗而除喘。又加甘草以和中。先煮葛根。後納諸藥。解肌之力緩。清中之氣銳。又與補中逐邪者殊法矣。

鍋粬蓮肉糖散

治老幼脾瀉久不愈神方

飯鍋粳

四兩
淨末

蓮肉

四兩
去心淨末

白糖

四兩

右共和勻每服三五匙一日三次食遠服

丹礬蠟榴九

治一切久瀉諸藥不效宜服此九

黃丹

枯礬

黃蠟

各一兩

石榴皮

八錢
炒研

將蠟溶化小銅杓內再以丹礬榴皮三味細末乘熱為丸如荳大空心服五九兼治紅痢